

95468

乾隆三十三年邑令山右康基淵南圃氏纂修

卷首至卷の

序文 凡例 目錄 圖

沿革表 職官表 貢舉表 兩程子世表

嵩縣志

河南省河南府統轄

元

崇
高

興
小

志

序

爲本古伊瀾地秦晉遷陸
渾之戎於此漢始置陸渾
縣晉及後魏曰之嘗建付
密都督是伊瀾以南大山

序

一

長谷多蠻居故置晉以海
之又風俗通山國之民悍
則其踰稱難治久矣我
國家休養垂百數十年深仁
厚澤實三代以來所未有

國

向之所稱難治者已化為
黎壤秦衡而

聖主猶勤宵旰惟恐一民不得
其所每於親民之官尤三
致意焉余幸

序

二

簡命撫於土日與民人沐
聖化念山川風氣應

昌明之運而不急為之
考獻以備

王會之盛典將何以宣

帝德實治理守爰於今春開
館編纂未及脫稿而康令
以所為篇為縣志請序余
惟古縣官之制於民為最
親既旬署名志縣則一

年

三

中山川土田人民之籍禮
樂兵農之制庠序學校
飲射讀法之分孰治孰
率孰利孰弊曠若指掌
庶幾不曠厥職哉豈易也

有志自康熙癸酉前令續
修殘缺未備迄今復八十
年矣今乃搜羅採輯釐
然具著於冊俾來者
有所稽考夫言之匪艱行之

序

四

維報苟徒逞博雅而無
關於實政即自謂曰我立
知事也其孰知之今空
蒞萬三載能以之所學
治民而其間疏河渠闢

家學興焉素尤班在人
身日復能以餘力成是
書不可謂非吏之良者
矣抑予聞之陸渾山下
有唐元魯晉山之故居尚

序

五



在其人雖志在德常新
流風餘韻必有存於予
為興歌之外者今試於
暇時一訪如老得其所
以惠民使民之術以襄我

國家太平五治則懋官
懋賞於今有厚望焉
令其勉乎哉是為序
乾隆三十一年歲次丙戌
嘉平穀旦務豫使者

序

六

長白阿思哈撰



序

職方有掌列九州藪澤山鎮之名形方設官
稽萬國輪廣縱橫之體則三壤而魚物產禹
貢著有成書辨五土以及民人司徒詳其定制
於是豫州居天中之會嵩邑處中岳之陽次
則驪鶉火之辰星乃分張柳之度三塗遠望
名傳營洛以來雙闕高分路可溯伊而入

序

雲上接手熊耳鳴皋下注於外方元鳥降祥
空桑產王者之依赤鳥膺錄靈荆遷陸渾之
戎青嶺黃松可升高而守戍龍宮魚窟堪依險
以爲屯柳媚中洲竹交前浦露凝北阜日懸
東山讀長康龍藏兗嘯之篇慕昌黎幕赤帷
紅之句胡昭居隱遯跡方山正跡傳薪題名伊水
典午後徑陳魏間歸於北河入於南天水逮洎

金元或升為州或降為縣斯固環山之奧區
洵屬憑險之巖邑也慨朱明之末造當思陵之
季年流寇李自成剽掠騷擾於其前土賊余大
忠攘竊盤據於其後閩東熒衆白馬如風河北
鴟兒青袍似草狂飈吹若木竟盡折此長林
猛火燎崑岡安必存其片玉逞之荼毒肆以震
劉愾城郭之為墟嗟縹緲其化燼始元默泥灘

序

二

之禊迄旗蒙作噩之年歲歷十三運丁百六而
寓之戶口版籍文物典章繼極搜羅於板蕩
之餘廣徵採於兵燹之後然亦畧而不詳闕而
未備蓋嘗

國朝定鼎之五歲編審僅四千九丁欣逢
皇上在位之三十年休養已一百廿載美茲
當今卓卓有康君對三策於

彤墀灑四知於竹闥利用為急頻開鄭國之
渠正德是先大闡胡瑗之教於簿書錢穀之暇
惟丹黃鉛槧之勤廓宏農書日之見開洗范陽
當年之簡陋既修詞之有要即紀事之堪徵
余奉

命旬宣職司觀察喜良有司政成三載慶
則舉而墜則修借邑人士考訂全書目之張

序

三

而綱之主山川疆域之沿革風俗民人之淳漓田
疇學校之井、有條忠節孝廉之班、可考是
上足以播揚

雅化鼓吹

俾明而下足以傳信汝棗永垂楷則者矣
書成問序具微良吏之匠心漆翰弁端略
備真都之掌故是為序

乾隆三十一年歲次丙戌孟冬月吉分巡
河陝汝蕪管水利道加一級隨帶龍城
歐陽永椅蘭畦氏撰



序

四

嵩縣志自序

志乘國史家之權輿也史法創自春秋而具義存焉左氏得記傳之法而義於聖人時有離合秦漢以來推班馬為良史才其法本於左氏而義亦時詭於聖人求其無精義法者惟歐陽氏五代史甚矣其難也乃若郡邑志乘名曰小史而採觚者未必

自序

一

蓄道德而能文章其固陋簡畧者無論已即辭事典核務為炳炳烺烺而或志博物或類文選詢以義法若何則茫乎未有以應如是而史家安賴之子博稽天下郡邑志惟

國朝陸稼書先生所輯靈壽縣志最為愜心其於民生利病物力盈虛時勢之相為倚

伏洞於心施於事發為文章肫肫乎其言之篤也邱邱乎其憂之深也著述在一時而千萬世之規畫具焉此豈徒慕左氏班馬氏之文辭而已哉由上探春秋之義法可謂得其門而入者矣予承乏嵩邑三年自惟德薄能淺中夜抱疚而平時師友所講求竊願一見諸行事以庶幾先生之

自序

二

萬一故茲之輯志乘於易所謂言有物言有序者恒兢兢焉翦浮滌濫期以義法為依歸至開渠建學養蠶種桑有關民生利病與夫因時因地因人行之既有成效者雖小事必詳即靈壽一志亦不敢徒錄其體例也邑人士攷而核之其是非或不至於大謬藉可告無罪悔云爾若謂與作者

馳騁而以著錄自命也則吾豈敢
乾隆三十二年丁亥孟秋邑令山右南園

康基淵撰



自序

三

原叙一 萬歷壬午王守誠

寓內郡邑志古列國之史徵文獻觀風俗審要害程物土
錄而不實後無考焉萬古志散佚聞諸先民藏在澤宮辭
簡事該不知載筆者何人始自何時也宣德中邑人胡敏
重修之正德初陸宜春復取胡志廣為三卷紀述雖備新
聞未續邑侯李君化龍屬余校讐三辭不獲乃始詢之父
老叅以載籍博訪金石之文備考方物之蹟名不爽寔者
例書之職掌雖分事體攸關者附錄之其義不可詳事不
可泯者別為雜志若夫考文不軌於先民徵獻弗比於大

嵩縣志

原叙

雅采風不錄於大史程度不登於物土與夫牽合附會之
說悉從竄削事減於昔不恤也受簡丙子夏梓於壬午秋
志成三卷稿凡數易一邑故實庶可覽觀稱實錄矣所憾
淺陋固滯不能備加蒸潤則竊自愧焉爾

原叙二

康熙癸卯楊殿美

志之由來舊矣人物山川政教風化於斯乎繫其紀事也
宜實其偽辭也貴當寧因母創必衷古昔庶有當乎嵩兵
燹之餘哀鴻鍛羽茂草盈郊編戶五十九里者今僅十里
耳田賦戶口大減於昔詩書灰燼文獻無徵甚矣嵩志之

難也庚子春來蒞茲土士民以修志請爰屬邑紳董某草
創未成已乃搜遺跡裒舊章得湯陰魏氏集為略備焉與
諸紳士共勦厥事其山川人物城郭邱甸賦役政教食貨
物產之類與夫忠孝節義可法可傳者筆之於書附會訛
謬者槩擯不錄嗚呼勸善闢幽庶頌立懦賴有是矣所惜
者宿舊庄田多於土著荒涼棄地倍於開拓商賈困於崎
嶇煙火絕於西境果如五十九里之輿圖乎果如二萬七
千之賦役乎果如三萬五千之戶口乎生斯者賣絲羅穀
官斯者蒿目焦心起今日患貧患寡之勢躋隆平有人有

嵩縣志

原叙

二

土之休是所望於方來者

原叙三

康熙壬申屬志遜

周禮職方度天下山川險易戶口阨塞之數畫為版圖行
人分採四方風俗歲上之太史邑之有志與國史等嵩周
東都王城故地也閱數千年沿革之異代有成書經明季
流寇灰燼之餘典籍文獻漸滅無存癸卯楊君草創一編
網羅弗備遜官茲土方欲廣搜濶略攷正純繆復恐孤陋
詒譏典型失據欣逢太守汪公以蘭台刺郡大中丞閔公
撫豫廢墜聿與命修邑志爰以學博李君奕倩董其成邑